



Broj: 01-50-1- /25
Sarajevo: 30. 7. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-07-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	1357	22

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23 i 50/24) postavljam

**ZASTUPNIČKO PITANJE ZA
TUŽILAŠTVO BOSNE I HERCEGOVINE**

1. Da li Tužilaštvo Bosne i Hercegovine, u skladu s članom 216. Zakona o krivičnom postupku Bosne i Hercegovine, provodi istragu protiv Darka Ćuluma, bivšeg direktora Državne agencije za istrage i zaštitu Bosne i Hercegovine, s obzirom na to da su Jasmin Emrić i Šemsudin Mehmedović, zastupnici u Parlamentarnoj skupštini Bosne i Hercegovine, dana 21. jula 2025. godine, podnijeli Tužilaštvu krivičnu prijavu protiv Darka Ćuluma, zbog osnovane sumnje da je počinio više krivičnih djela?
2. Da li je Tužilaštvo Bosne i Hercegovine podnijelo zahtjev Sudu Bosne i Hercegovine za izricanje mjera zabrane Darku Ćulumu, bivšem direktoru SIPA-e iz člana 126a. Zakona o krivičnom postupku Bosne i Hercegovine tačka b) zabranu posjećivanja određenih mjesta ili područja i c) zabranu sastajanja sa određenim licima, na način kako je to traženo navedenom krivičnom prijavom?
3. Potrebno je da dostavite broj krivičnog predmeta, te ime i prezime postupajućeg tužioca.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Obrazloženje

Dana 21. 7. 2025. godine, Jasmin Emrić i Šemsudin Mehmedović, zastupnici u Parlamentarnoj skupštini Bosne i Hercegovine, podnijeli su Tužilaštvu Bosne i Hercegovine krivičnu prijavu protiv Darka Ćuluma, jer je izvršio krivično djelo “udruživanje radi činjenja krivičnih djela protiv integriteta Bosne i Hercegovine” iz glave XVI Krivičnog zakona Bosne i Hercegovine u vezi sa krivičnim djelom “napad na ustavni poredak” iz člana 156. KZ BiH i člana 157. “ugrožavanje teritorijalne cjeline” i krivično djelo “oružana pobuna” iz člana 162. KZ BiH, a sve u vezi sa krivičnim djelom “neizvršenje odluke Ustavnog suda Bosne i Hercegovine, Suda

Bosne i Hercegovine, Doma za ljudska prava ili Evropskog suda za ljudska prava" iz člana 239. KZ BiH i "zloupotreba službenog položaja ili ovlaštenja" iz člana 220. Krivičnog zakona Bosne i Hercegovine.

Krivičnom prijavom je također traženo da glavni tužilac naloži postupajućem tužiocu Tužilaštva Bosne i Hercegovine da hitno podnese Sudu Bosne i Hercegovine zahtjev za određivanje mjere pritvora Darka Ćuluma ili, u suprotnom, mjere zabrane Darku Ćulumu iz člana 126a Zakona o krivičnom postupku Bosne i Hercegovine, tačka b) zabranu posjećivanja određenih mjesta ili područja i c) zabranu sastajanja sa određenim licima, i to zabrana da:

- ulazi u zgradu Državne agencije za istrage i zaštitu Bosne i Hercegovine ili da joj prilazi na udaljenosti od 50 metara;
- sastajanje i komunikacija sa svim službenicima i ovlaštenim službenim licima Državne agencije za istrage i zaštitu Bosne i Hercegovine;
- sastajanje i komunikacija sa osumnjičenim Dodik Miloradom, Stevandić Nenadom, Višković Radovanom te Kostrešević Sinišom i Karan Sinišom.

Nesporno je da Tužilaštvo Bosne i Hercegovine treba informisati podnosiocima krivične prijave o preduzetim radnjama i odluci donesenoj u vezi s krivičnom prijavom, a posebno o traženim mjerama zabrane za Darka Ćuluma, bivšeg direktora Državne agencije za istrage i zaštitu Bosne i Hercegovine.

S poštovanjem,

ZASTUPNIK PS BiH
Šemsudin Mehmedović

